

東京誌
天

辰韓紀	屬任	土產	驛院
新羅紀	人吏 <small>附</small>	城郭	橋梁
慶州地界	邑名	關防	祠廟
建置沿革	姓氏	烽燧	陵墓
官號沿革	風俗	宮室	祈雨所
屬縣	山川	倉庫	
鎮管	勝地	學校	

ル 4
2489
1



門 呂
號 2489
卷 / - 3

東京雜記目錄



卷之一

辰韓紀 新羅紀 慶州地界 建置
 沿革 官號沿革 屬縣 鎮管 屬任
 人吏 文冊 冊 邑名 姓氏 風俗 山
 川 勝地 土產 城郭 關防 烽燧
 宮室 倉庫 學校 驛院 橋梁
 祠廟 陵墓 祈雨所

卷之二

佛宇 古蹟 藝 戶口 軍額 邑名

堤堰 各坊 各同 名亭 人物

卷之三

寓居 科目 舊任 孝行 交愛 志

義 貞烈 伎藝 書籍 題詠 雜著

補遺 異聞

目錄終



東京雜記卷之

辰韓紀

慶尚道本辰韓之地後為新羅所有 出真

地傳覽 辰韓在馬韓之東自言秦之亡人

避後入韓韓割東界以與之立城柵其言

語有類秦人或謂之秦韓常用馬韓人作

主所統凡十有二國地宜五穀俗饒蚕桑

善作織布乘駕牛馬嫁娶以禮行者讓路

出東國通鑑

新羅紀

新羅紀

新羅始祖元年夏四月丙辰始祖朴赫居世立先是朝鮮遺民分居東海濱山谷間為六村曰開川揚山曰突山高峯曰訾山珠支曰茂山大嶺曰金山加利曰明若山高耶是為辰韓六部六部長共立赫居世為君

出東國通鑑詳見古蹟

始祖姓朴名赫居世漢宣帝五鳳元年甲子即位號居西干居西干辰人稱王之語或云呼貴人之稱國號徐羅伐羅一作那一作耶又云徐伐俗訓京字云徐伐以此

又云斯羅又云斯盧在位六十一年

南解次次雄或云慈克金大問云次次雄方言謂巫也世人以巫事鬼神故畏敬之遂稱尊者為慈克赫居世太子身長大性沉厚多智略元年甲子漢平帝元始四年儒理尼師今名儒理南解太子南解將薨謂儒理及昔脫解曰吾死後爾朴昔二禁以年長嗣位焉及薨儒理以脫解素有德望推讓其位脫解曰神器大寶非庸人所堪吾聞聖智人多適試以餅噉之儒理齒

理多乃立之號尼師今又云尼叱今尼叱
今之舊自此始元年甲申漢更始二年五
年戊子鄰國之民間王行仁政來歸者衆
是年民俗歡樂始製堯率歌此歌樂之始
也
脫解尼師今姓音名脫解儒理將薨曰先
王顧命曰吾死後母論子壻以年長且賢
者繼位是以寡人先立今也宜其傳位焉
脫解從遺命嗣位元年己亥漢明帝中元
二年

婆娑尼師今姓朴名婆娑儒理第二子元
年庚辰章帝建初五年

祇摩尼師今名祇摩婆娑太子元年壬子
安帝永初六年

逸聖尼師今名逸聖儒理長子祇摩無子
故立元年甲戌順帝陽嘉三年

阿達羅尼師今名阿達羅逸聖長子元年
甲午桓帝永興二年三年丙申開羅立嶺

路即今烏嶺五年戊戌開竹嶺路
伐休尼師今姓昔名伐休一作發揮脫解

子角干仇鄒子阿達羅薨無子國人立之
王占風雲預知水旱及年之豐儉又知人
邪正人謂之聖元年甲子靈帝中平元年
奈解尼師令名奈解伐休第二子伊買子
容儀雄偉有後才元年丙子獻帝建安元
年

助賁尼師令名助賁伐休長子骨正之子
元年庚戌蜀漢後主建興八年

沾解尼師令名沾解助賁母弟元年丁卯
後主延熙六年

味鄒尼師令姓金名味鄒閼智七代孫助
賁以其女妻之至是薨無嗣國人立之此
金氏有國之始也元年壬午後主景耀四
年

儒禮尼師令姓昔名儒禮助賁長子元年
甲辰晉武帝太康五年

基臨尼師令名基臨助賁孫元年戊午惠
帝元康八年十年丁卯國號新羅

訖解尼師令名訖解奈解子角干子老子
也基臨薨無子群臣議曰訖解幼有老成

之德乃立之元年庚午懷帝永嘉四年
奈勿尼師令一云奈密姓金名奈勿仇道
葛文王之孫訖解薨無子立之元年丙辰
穆帝永和十二年

實聖尼師令名實聖開智裔孫奈勿薨子
幼國人立之元年壬寅安帝元興元年
訥祗麻立干金大問云麻立方言謂極也
極謂誠操準位而置則王極為主臣極列
於下因以名之名訥祗弒實聖而自立元
年丁巳安帝義熙十三年二十二年戊寅

教民牛車之法

慈悲麻立干名慈悲訥祗長子元年戊戌
宋武帝大明二年

炤智麻立干名炤智慈悲長子幼有孝行
謙恭自守元年己未順帝昇明三年十二
年庚午初開市肆以通四方之貨

智澄麻立干名智大路奈勿王曾孫王體
鴻大膽方過人前王薨無子故繼位元年
庚辰齊廢帝永元二年三年壬午禁殉葬
前此王薨殉以男女各五人至是禁焉分

命州郡主勸農始用牛耕四年癸未群臣
上言始祖創業以來國號未定或稱斯羅
或稱斯盧或稱新羅新者德業日新羅者
網羅四方之義則其為國號宜矣又觀自
古有國家者皆稱帝稱王自我立國至今
二十二世但稱方言未定尊號今群臣定
議謹上號新羅國王王從之五年甲申制
喪服法十五年甲午王薨諡曰智證諡法
始此

法興王名原宗智證長子身長七尺寬厚

愛人元年甲午梁高祖天監十三年七年
庚子頒示律令始制百官公服二十三年
丙辰始稱年號建元元年二十五年戊午
許外官掾家之任

真興王名多 音夫 麥宗法興弟立宗之子
元年庚申梁高祖大同六年

真智王名金輪真興次子元年丙申陳宣
帝大建八年

真平王名日淨真興太子金輪之子元年
己亥宣帝大建十一年

善德王名德曼真平長女寬仁明敏前王
薨無子國人立之元年壬辰唐太宗貞觀
六年九年庚子遣子弟於唐請入國學
真德王名勝曼真平母弟國飯之女姿質
典麗長七尺垂手過膝元年丁未貞觀二
十一年二年戊申冬使尚快許朝唐太
宗勅問新羅臣事大朝何以別稱年號朕
許言天朝未頒止朔故先稱法興王以來
私有紀年若大朝有命小國又何敢焉太
宗然之三年己酉始依華制為冠服四年

庚戌遣使大唐告破百濟之衆王自製太
平頌織錦為文以獻唐其詞曰大唐開鴻
業魏巍皇猷昌止戈戎衣定修文契石玉
通鑑契作鐵統天崇兩施理物體含章深
仁諧日月撫運邁虞唐通鑑日月作日用
虞唐作時康幡旌何赫赫鉦鼓何鏗鏘外
夷違命者顛覆被天殃瘴風與幽顯逆遁
競呈祥四時和玉燭七曜巡萬方維嶽降
宰輔維帝任忠良五三成一德昭我唐家
皇高宗嘉焉是歲始行中國年號

太宗武烈王姓金名春秋真智王子伊賚龍春之子儀表英偉幼有濟世志元年甲寅高宗永徽五年七年庚申與唐將蘇定方等共伐百濟百濟亡

文武王名法敏太宗太子姿表英特聰明多智略武烈與蘇定方平百濟法敏從之有大功至是即位元年辛酉高宗龍朔元年四年甲子令婦人亦服中朝衣裳八年戊辰與唐兵共伐高句麗高句麗亡十四年甲戌大奈麻德福入唐宿衛傳學曆術

而還請改用新曆法十五年乙亥鑄百司州郡印頒之

神文王名政明文武王長子元年辛巳高宗開耀元年六年丙戌遣使入唐請禮典并詞章則天令所司寫吉凶要禮并采文詞涉於規誡者勒成五十卷賜之

孝昭王名理洪神文太子元年壬辰武后嗣聖九年

聖德王名興光孝昭弟也孝昭薨無子國人立之元年壬寅嗣聖十九年十七年三

子始造漏刻

孝成王名承慶聖德第二子元年丁丑玄
宗開元二十五年六年壬午王薨以遺命
燒柩於法流寺南散骨東海

景德王名憲英孝成之弟孝成無子立為
太子至是嗣位元年壬午天寶元年

惠恭王名乾運景德嫡子元年乙巳代宗
永泰元年十六年庚申伊飡金志貞聚眾
圍王宮上大等金良相與伊飡敬信舉兵
誅志貞等王與后妃為亂兵所害良相自

立為王謚王曰惠恭

宣德王名良相奈勿十世孫元年庚申德
宗建中元年六年乙丑王薨遺命依佛制
燒火散骨東海無子國人立上大等敬信
元聖王名敬信奈勿十二世孫元年乙丑
德宗貞元元年四年戊辰始定讀書出身
法十四年戊寅王薨以遺命燒柩於奉德
寺南

昭聖王名俊邕元聖之孫元年己卯德宗
貞元十五年

哀莊王名清明更名重熙昭聖太子元年
庚辰德宗貞元十六年三年壬午創迦耶
山海印寺

憲德王名彥昇昭聖同母弟弒王自立元
年己丑憲宗元和四年

興德王名秀宗改名景徽憲宗母弟元年
丙午敬宗寶曆二年

僖康王名悛隆元聖三孫伊飡憲貞之子
元年丙辰文宗開成元年三年戊午金明
利弘等作亂王自縊金明自立

閔哀王名明元聖曾孫元年戊午文宗開
成三年金陽奉祐徽入擊王開兵至奔入
月遊宅因被害群臣以禮葬之祐徽立
神武王名祐徽元聖孫上大等均貞子元
年己未文宗開成四年

文聖王名慶膺神武子元年己未文宗開
成四年十九年丁丑九月王不豫遺詔傳
位於叔父誼靖

憲安王名誼靖神武王異母弟元年丁丑
宣宗大中十一年五年辛巳王寢疾謂左

右曰甥膺庶幼有老成之德宜立之

景文王名膺庶僖康王子阿養啓明之子

憲安王之婿元年辛巳懿宗咸通二年

憲康王名晟景文王子王性聰敏喜看書

一覽皆誦元年乙未僖宗乾符二年三年

丁酉高麗太祖王建生於松岳郡

定康王名晃憲康之弟元年丙午僖宗光

啓二年

真聖王名曼定康妹也元年丁未僖宗光

啓三年王素與角干魏弘通至是常入內

用事及弘死潛引年以義丈夫濟之有人

譏謗時政撈於朝路或告曰殆是大耶州

隱者巨仁所為王命拘巨仁獄將刑之巨

仁書於獄壁曰子公慟哭三年旱象符舍

悲五月霜今我幽愁還似古皇天無語但

蒼蒼蒼其夕忽震雷雨雷王懼而釋之五年

辛亥北原賊帥梁吉遣其佐弓裔率兵襲

十餘郡劫掠州縣衆至五千

孝恭王名曉憲康庶子真聖養之立為太

子至是即位元年丁巳昭宗乾寧四年

神德三姓并名景暉可達羅遠孫大阿含
又燕之子孝恭薨無子國人立之元年壬
申後梁太祖乾化二年

景明王名昇英神德太子元年丁丑末帝
貞明三年二年戊寅弓裔麾下推戴王建
弓裔出奔為下所殺建即位稱元

景哀王名魏膺景明母弟元年甲申後唐
莊宗同光二年為甄萱所殺事見古蹟

敬順王姓金名傳文聖之後伊飡孝宗之
子為甄萱所立元年丁亥後唐明宗天成

二年舉前王屍殯於西堂與群下慟哭上
謚五年辛卯王遣使高麗請相見麗王以
五十騎至京王與百官郊迎宴於臨海殿
酒酣王曰小國不天甄萱掠喪罔茲然泣
下左右莫不為明麗王亦流涕慰藉之因
留數旬而還王送至穴城麗王之初至肅
豫而行不犯秋毫都人士女相慶曰昔甄
氏之來也如逢豺虎今王公之至也如見
父母九年乙未王以國弱勢孤不能自安
乃與群下謀降高麗王子曰當與忠臣義

士收集民心力盡而後已豈宜以一千
社稷一朝輕以與人王曰孤危若此勢不
能全至使無辜之民肝腦塗地吾不忍也
乃使侍郎金封休書請降王子勸哭辭
王入皆骨山倚巖為屋麻衣草食以終其
身十一月麗王受書出郊迎勞館于柳花
宮妻以長女樂浪公主拜為敬聖封樂浪
王國除為慶州新羅亡新羅朴氏十五昔
氏八王金氏三十八王合五十六世九百
九十二年以上出東國通鑑無三國史

慶州地界

東至蔚山府界六十二里至長鬐縣界八
十三里南至彥陽縣界六十二里西至清
道郡界七十六里至永川郡界五十三里
北至迎日縣界三十六里至青松府界盈
德縣界一百五十里距京都七百八十三
里 出輿地勝覽

建置沿革

本新羅古都漢五鳳元年始祖赫居世開
國建都國號徐那伐或稱斯羅或稱斯盧

後稱新羅脫解三九年始林有雞怪更名
雞林因以為國號基臨王十年復號新羅
高麗太祖十八年敬順王金傳來降國除
為慶州二十三年陞為大都督府成宗六
年改為東京留守十四年稱留守使屬蜀嶺
東道顯宗三年降為慶州防禦使五年改
安東大都護府二十一年復為東京留守
時銳方所上三韓會土記有高麗三京之
文故復置之神宗五年東京夜別抄作亂
攻初州郡遣師討平之七年以東京人造

新羅後盛之言傳擢尚清忠原州道謀亂
降知慶州事奪管内州府郡縣鄉部曲分
隸安東尚州高宗六年復為留守忠烈三
三十四年改稱雞林府辛禡別號樂浪本
朝

太宗朝復慶州舊號

世宗朝置鎮出輿地勝覽無考是史地志

官號沿革以本府流來先生案考出列

序如左而與罷史不同亦詳

先是

麗太祖二十三年庚子除羅號為慶州司
置安東大都護都督府成宗十二年甲午
改安東大都護為東京留守官穆宗五年
壬寅改為安東金州大都護府顯宗三年
壬子改東京留守為慶州防禦使顯宗五
年甲寅改慶州防禦使為安東大都護府
顯宗九年戊午改安東都護府為慶州大
都護府顯宗十八年丁卯為牧顯宗二十
一年庚午改為東京留守官此下改為東

京知官後改知官為尚書又置大判司錄
法書記室等官而未詳在何年知官事

兼日夜別抄之亂而降為知州也忠烈王

十一年乙酉改大判為侍郎四年己丑復
號大判忠烈王二十一年乙未改大判為
判官丁酉復號侍郎忠烈王三十四年戊
申改尚書為府尹侍郎為判官辛禡四年
戊午以府尹無元帥高麗末以府尹無兵
馬節制使判官無勸農防禦使我
太祖朝廢勸農防禦使

孝宗元年庚寅以醴泉逆妃迺接祀溪村
弒主故降尹為牧令

上朝已亥復陞為尹乙巳以賊子弒父故
降為府使歷世府官姓名詳見生案

屬縣

安康縣在府北四十五里本新羅比火縣
景德王改今名為義昌郡領縣義昌今興
海高麗顯宗時來屬恭讓王置監務我
太祖朝復屬之新增有土城城中有山形
如伏龜故號龜城祀溪縣在府北七十

里本新羅毛弓縣一云化雞景德王改今

名為義昌郡領縣高麗顯宗時來屬新增

縣南五里許有邑基縣西地名止離村有

鄉校基址○慈仁縣在府西一百廿

新羅奴斯火縣一云其火景德王改今名

屬獐山郡今慶山高麗顯宗時來屬新增

崇禎丁丑

仁祖朝縣人李昌後金應鳴等疏請分設

神光縣在府北八十里本新羅東竹音

縣一云神乙景德王改今名為義昌郡領

縣後稱琬於鎮高麗太祖十二年親幸城
之改名神光鎮顯宗時來屬新增有二城
周二百三十步（仇史部曲在府西一百里
本新羅麻珍良縣 亦一作彌 景德王改餘
報縣屬獐山郡後降為部曲改今名）新增
我

孝宗朝癸巳移屬慈仁縣（竹長部曲在
府北一百十里青松府界本新羅長鎮縣
高麗時降為部曲 北安谷部曲在府西
一百里越八采川東南村

鎮管

郡四蔚山梁山永川興海新增今則蔚山
陞為府 縣六清河迎日長鬐機張東萊
彥陽新增今則東萊別設獨鎮機張置戰
船革罷京伍故皆不在於鎮屬中

屬任

留鄉所座首一人別監三人○大同有司
二人○官廳監官二人○常平倉監官一
人○軍器監官二人○鄉約都約正副約
正直月各一人 各面亦皆有約正直月一

人○鄉校都有司一人掌議一人行有司
二人典穀一人○西岳書院院長一人有
司一人典穀一人○玉山書院院長一人
有司一人典穀二人○紙所監官一人
新羅始祖廟守護官一人○敬順王影堂
有司一人○醫局都監一人都約正例無
有司一人監劑三人○武學堂教授一人
有司一人○養武堂中軍一人營將例無
千總一人把總二人旗鼓官一人知鼓官
十五人旗牌官十六人哨官十六人

人吏奴婢

鄉吏十六人僮吏一百六十六人官奴婢
並八十八人

邑名

辰韓 徐耶茂 新盧 斯羅 樂浪
雞林 月城 東京 金鰲 蛟川
姓氏

本府朴昔金 並新羅宗姓李 及栗崔 沙栗

鄭 本姓孫 卒梁 裴 漢 抵薛 習比 ○已上六

部姓詳見古蹟 康 沔州 僕 回鶻 詳人物下

揚績(安康)安盧金黃燕 邵遠并唐尹

生(祀漢)俞揚益 一作孟尹 金金海(慈仁)

朴韓鄭周 任珠鳥邊加恩(神光)徐陳尹

申(仇史)鄭石曹 全章山竹長葛續李金

宗并宋省法伊金崔并續北安谷李宗葛

風俗

君子之國(三國史云唐太宗聞金春教之)
言嘆曰誠君子之國也 (服色尚素)隋書
服色尚素婦人辨髮統頭以雜絲及珠為
飾 (婚嫁准酒食同上)婚嫁之禮准酒食

而已輕重隨貧富○元日相慶(唐書元日)
相慶是日拜日月神○見人必跪(同上)見
人必跪則以手据地為恭○糲飯祭鳥(新)
羅炤智王既免琴匣之禍國人以為若非
鳥鼠龍馬猶之功則王之身成矣遂以正
月上子上午辰上午止亥等日忌慎百事不
敢動作以為慎日俚言恒初言悲愁而禁
忌也又以十六日為鳥忌之日以糲飯祭
之國俗至今猶然 (詳見書出地誌)乙夜續
麻(儒理王時)中分六部為二使王女二人

各率部內女子分朋自秋七月既望五日
早集大部之庭續麻乙夜而罷至八月望
考其功之多少負者置酒食以謝勝者於
是歌舞百戲皆作謂之嘉俳是時負家一
女起舞嘆曰會蘇會蘇其音哀雅後人目
其聲而作歌名會蘇曲國俗至今行之
風月主（花即法興王元年選童男容儀
端正者號風月主求善士為徒衆以勵孝
悌忠信○初新羅君臣患無以知人欲使
類聚群遊以觀行義然後舉而用之遂簡

羨女二人奉為源花曰南毛曰俊貞聚徒
三百餘人二女爭娟相妬俊貞置酒私第
強勸南毛酒至醉投河殺之其徒得其屍
以告俊貞伏誅遂廢源花其後更聚義貌
男子粧飾之名花即徒衆雲集或相磨以
道義或相悅以歌樂遊遨山水無遠不至
自此知人邪正擇而用之○舞劍之戲黃
倡即新羅人也諺傳年七歲入百濟市中
舞劍觀者如堵濟王聞之召觀命升堂舞
劍倡即回刺王國人殺之羅人哀之僕其

容為假面作舞紉之狀至今傳之○新羅
又有鄉樂金九月顏六面東毒殺猓五伎
崔文昌致遠金丸詩回身掉臂弄金九月
轉星浮滿眼者縱有直僚那勝此定知鯨
海息波瀾○月顏詩有高項縮髮崔鬼攘
臂群儒鬪酒盃聽得歌聲人盡笑夜頭旗
幟曉頭催○六面詩黃金面色是其人手
抱珠鞭後鬼神疾步徐趨呈雅舞宛如丹
鳳舞堯春○東毒詩蓬頭藍面異人間押
隊來庭學舞鸞打鼓夔夔風瑟瑟南奔北

躍也無端○殺猓詩遠涉流沙萬里來毛
衣破盡著塵埃搖頭掉尾馴仁德雄氣寧
同百獸才○浴東流水金克已集東都遺
俗以六月望浴東流水曰為禊飲謂之流
頭宴蓋以河朔避暑之飲誤為禊飲耳
列肆交易○任載用車○民俗質朴觀風
審云云有羅代之遺風○土厚風淳李唐
記云云民知禮讓○繁華佳麗甲於四方
鄭麟趾記以上出與地勝覽新增女子並
髻髻時以國都北方盡缺女子結髻於腦

後同名此警至今猶然狗之短尾者世謂之東京狗亦以此方之虛故也○堯章男子通稱之號

山川

聚山在府東九里鎮山○明活山在府東十一里新增山下有原名曰關地原乃府城來脈也自古種樹成藪自嘉靖壬午年間民多冒耕而墜斷山脈引水灌田天啓癸亥年間沙里驛卒以馬位田換得民田移居於此今年因邑人呈狀為其有傷來

脈申請監司撥移沙里舊驛今按明活山一拔為表山有撤山為月城而一拔為府龍與地勝覽以撤山為鼓山者非也吐舍

山在府東三十里新羅稱東嶽為中祀
金剛山在府北七里新羅號北嶽○非月洞山在府西六十七里 仙拖山在府西七里新羅號西嶽或稱西途或稱西元或稱西鷲 含月山在府東五十里新羅號南嶽 金蓋山一名南山在府南六里○唐顧雲贈崔文昌詩我聞海上三金蓋金

蒼頭戴山高高山之上号珠宮貝闕昔全
鷲山之下号千里萬里之洪濤傍邊一
鷲亦碧蒼山孕秀生奇特 兄山在安康
縣東二十一里新羅稱址兄山為中祀
壽介山在府西三十里 伏安山在府南
三十里 墨匠山在府南四十里 只火
谷山在府西四十里 斷石山一云月生
山在府西二十三里諺傳新羅角千金度
信敬衣麗濟得神劍隱入月生山石窟鍊
劍試斷六石疊積如山其石尚存創寺其

下名曰斷石○紫玉山在安康縣西十三
里○連城山在安康縣南二十里○飛鶴
山在神光縣西五里○响薄山在府南三
十五里諺傳金角千携寶劍入深壑燒香
告天祈禱兵法處○舍羅峴在府北三十
里○件代嶺在府東三十六里○女報谷
在府西四十一里世傳百濟將軍弓召穴
兵于此新羅善德王命角千闕川撻殺之
無子遺此王知幾三事之一也○成峴在
府北五十八里○八助嶺在府東六十五

里○馬北山在神光縣北二十六里○節
嶺在府東六十五里長鬘縣界○款嶺在
府東三十里○箴嶺在府東四十里○鷄
述嶺在府南五十里即村堤上妻望哭自
盡處○海在府東七十里○八助浦在府
東七十里有魚梁○兄山浦在安康縣東
二十里堀淵下流○東川一云北川一云
關川在府東五里出椒嶺入堀淵新增俗
傳川流自東北直衝邑居故高麗顯宗朝
發全羅忠清慶尚三道軍丁築石為堤成

植荪藪以防水害云○西川在府西四里
有三源一出咽薄山一出墨匠山一出只
火谷山合流入兄山浦○温之山在安康
縣東二十四里有龍堂禱雨有應○堀淵
川在府北三十五里有魚梁○文等伊川
一云荒川在府東三十里源出吐舍山入
西川○蚊川在府南五里文等伊川下流
○金克己詩東皇一手息萬彙均沾被花
心驚惠風鳥聲感和氣朱朱上緋拖白白
尋繚李鶯舌鬪歌童燕腰欺舞妓占斷壘

陽天迢萃幽勝地將升兔嶺巔却並蛟川
淡仰空遙送目臨岸靜傾耳屏開簇簇山
鏡轉溶溶水雲端結黃鵠浪面跳紫鯉幽
馨掬蕙蘭秀色養荷芰羨景苦難逢孺生
寧久恃要成域外遊都遣人間累走筆縱
狂吟飛觴誇爛醉是非兩忘榮悴俱脫
履綠醅猶未闌紅晷忽將墜今夕是何時
此身誰氏子若非蓬島仙真箇漆園吏浮
休尚忘情去任寧介意舉頭謝煙霞扶腋
回杖履但恐車馬場晨興趁聲利○又後

襖詩今年濕蟄少開霽十日愁霖如倒河
忽喜陰雲淨似掃南山萬朵開青螺逸勢
橫奔五百里中塗拗怒成坡陀下有蛟川
一帶水千盤萬折流逶迤走向月精橋口
過驚瀾崩碎響鳴珂嚴莊樓下漸汗漫浪
息沙平鋪蜀羅洛邑諸生十萬指臨流後
襖肩相磨良辰羨景古難必盛集誰辭追
永和而予况又少放狂擬拖紅船隨素渡
胡為恣恣向學舍促席共倒金叵羅蕭蕭
綠漲色可撥痛飲不省朱顏醜清歡半甜

客未散行外紅日先蹉跎乘酣意氣忽橫
出欲上青天橫魯戈○吐上池在府東四
十里○高位山在府南二十五里天龍寺
三山也以上出與地勝覽新增瓢巖在府
東北五里李謁平所降處俗傳新羅時以
此巖有害於國都種瓢以覆故名焉○於
乙於山安東縣鎮山也橫截縣西北○三
勝山在安東縣西二十里谷中水石清奇
師傳鄭克後構書堂○道德山在安東縣
西十里紫玉山西北峯也上有場巖中有

斗德菴詳見佛宇華蓋山玉山書院主山
也形如華蓋故名焉○雪倉山在安東縣
東八里良佐村玉山也○舞鶴山在安東
縣西十五里○茂陵山在安東縣西南十
里 昆弟山在安東縣南十五里有雙峯
並峙形如兄弟故名 鳳棲山四聖山在
府東五十里俗傳新羅時四聖僧住于南
峯鳳鳥常集于北峯故名其南曰四聖名
其北曰鳳棲 兄弟山在府東二十里雙
峯並峙如兄弟故名 峨眉山在府南七

千里天旱禱雨有應 僧三山在府北子
三俗傳高麗時三僧入公庭化為虎故名
鳳坐巖在祀溪縣西南十里巖西有石
窟其下有鎮氣菴舊址 太華山在祀溪
縣北十五里 雲住山在祀溪縣西十五
里安國寺三山也以山勢高峻雲氣常往
故名 雪倉山在府西五里許 蛇山在
祀溪縣東上有羅代胎峯 臂長山在府
西三十里金谷寺三山也其北有羅代胎
峯 生鵝峴在祀溪縣北四十里 大峴

在祀溪縣北十五里○火乃峴在祀溪縣
西二十里○磨造現在祀溪縣東十里○
鞍現在祀溪縣南五里○龍巖在神光縣
東五里巖上有卧龍形故名○獨山一云
鄉拔山在神光縣東二里廣野中有一小
山岬起上有土城形一重其內有井大旱
不渴俗傳鄉拔墓云○安趾山在神光縣
北三里有土城形三重俗傳新羅真平
王所遊處也○富山在府西三十里品上
村三山也山上有舊墓俗稱長者墓又有

湧井山腰有石窟中可容十餘人 貴寧
崖在府西四十五里 龜尾山在府西三
十里上有祈雨處 仁崖山在府西四十
里 硯滴峯在府西五十五里形如硯滴
故名 石頭山在府西五十里 東京阜
在府西八十里境接清道 充歌嶺在府
西四十里 麻叱嶺在府西北五十里
礪峴在安康縣西三十里永川界 花祈
峴在府西十七里 馬轉峴在府西二十
里 檢丹山在安康縣南二十里土坊村

西○車嶺在府東五十五里○虎穴宮在
墨丘山東中可容三十餘人○匙山在府
南三十里○望山在府南二十里上有祈
雨處○寒川有三源一出至山洞一出礪
峴一出豆里洞合流入于堀淵川○達城
川有二源一出大峴谷一出省法谷合流
入于堀淵川○虎邑川源出飛鶴山流入
于興海曲江○牛朴川有三源一出吐上
一出新院一出石乙只合流入于蔚山太
和江○義谷川有二源一出甘谷一出蘆

谷合流入于清道孔巖川○竹長川源出
青松界岷峴流入于永川撞項川○牟梁
川有七源一出雨微洞一出達川洞一出
仙童洞一出河火一出道伊洞一出古川
一出石山合流入于西川

○勝地

鳳凰臺在府南門外 浮雲臺在府西四
十五里如鳳凰臺而差高俗傳羅王所遊
處也○獨樂堂在玉山書院之北一馬場
許晦齋亭先生別墅也五峯亭好閑別

獨樂堂主人李浚即先生庶孫也詩昔過
紫玉山不見泉石高泉石可不見道脉實
在斯斯人又南歸使我增長悲鳳臺黃菊
開河岸丹楓垂吾道亦未晚匹馬今當隨
○柳西厓詩李君信厚士憐我老多奇春
風一見過秋日復來斯行藏久已定世事
安足悲且盡一盃懽莫遣雙淚垂清風與
明月此時又相隨○旅軒張先生詩白頭
至紫玉融結方最奇東賢至晦齋道脉正
於斯如何終絕徵永作山河悲幸賴有著

述的訓星日垂所樂自可尋不須杖屨隨
○東岳李安訥詩人好鳥亦好况乃溪山
奇山中有閑地我欲老於斯揚歧良可泣
墨絲誰無悲永依仁里居仰承明訓垂先
哲去已遠捨子孰追隨○柳西堂詩此去
桃花洞迢迢七舍餘獨來殘雪後遙訪故
人居舊義令猶在交情病未疎春風一相
別危涕各漣如一養真菴在獨樂堂北今
稱溪亭前臨澗水滄瀄為匯綠淨徹底先
生手植松竹森列左右○灌圃魚得江詩

曾省紫玉山中好公作書堂為此溪今日
英靈却驚怪生曾不見駭雞屎混沌溪山
客我老青年任此白鳥頭世人皆識吾貧
鬼萬斛煙霞富可羞○先生次口自知疎
懶合幽棲卜筮由來愛紫溪指揮始悟忘
真鵲處世猶嫌照水犀多公早占溪山勝
投綬清朝至白頭自歎平生心事謬養真
經世兩堪羞○龍洲趙綱詩玉山南麓供
幽棲雲擁松林月印溪存想先生百年後
心通不必待靈犀吾道東來暗復明○源

澹洛自先生試者險阻天心在遠使玄文
澤畔成○觀魚臺即溪亭下盤石也平坦
如練可坐三四十人○詠歸臺即觀魚臺
東岸巖石斗起平鋪○濯纓臺在淨惠寺
東溪岸○澄心臺亦在淨惠寺東溪岸與
濯纓臺雙峙○洗心臺在書院右壇下盤
石平鋪周圍甚廣刻退溪先生所書洗心
臺三大字於石南面澗水自山谷縈流於
盤石間為瀑布下有深潭名曰龍湫兩面
如削成長可四五丈廣可一丈許亦刻退

溪先生所書龍湫二大字於湫西面石壁
上水漲衝激缺龍字右邊湫岸老榆成行
蔭覆盤石以上臺號皆瞻齊先生所命而
退溪先生亦皆書額筆跡歲在獨樂堂下

龍湫即洗心臺下流也左右巖石直聳立瀑
流成潭深不可測○雙碧亭在湫南岸盤
石數株偃蓋其上獅子巖在澄心臺北
一馬場許枕流亭在府西五里義谷
村層巒削平流水彎迴進士崔起南所構
而今廢駕淵湖亭在府南二十里有峯

高平俯臨深淵俗傳羅王遊賞處萬層中
進士金得地作亭于巖上今廢 盤龜臺
在府南七十里三層為臺狀如伏龜故名
六川彎迴下為澄潭其泉石之勝真別區
也 鳳臨臺在安東縣東掘淵下流斷麓
斗起臨水晦齋先生命名焉○水雲亭在
安東縣東雪倉山南麓平臨大野俯瞰川
流參奉孫曄作亭其上今廢○雪川亭在
水雲亭左形勝與水雲亭並稱郡守李宜
活所構 六宜堂在府東三十里吐上湖

上佳致亦一別區縣監崔繼宗所構○府
尹鄭文翼詩慳秘千年久幽居待子開山
形飛鳳舞水勢卧龍迴石老松宜古沙明
鷺亦來忘歸更把酒休道日西頽群巒重
圻處一壑抱村開隣近詩仙築庭無俗駕
迴透簾雲影落侵幔水光來只有林泉興
何知世道頽○府尹全湜詩亭敞春容媚
湖平鏡面開舊聞山簡逸今向習池迴萬
慮都消去三公肯換來登臨無限意遲日
恐先頽春晚茅亭暖臺高綺席開閑讀歌

數闌豪氣酒三迴取醉渾忘返臨分更約
來明朝有簿牒不惜玉山頽○正即全克
恒以集句次曰虛院野情在高適遊觀物
象來同人林泉恣探歷駱賓王車馬繫遲
迴杜審言遠水無天淨杜甫長風送月來
韓愈忘憂惟有酒張吉川不怪玉山頽盧
照得萬歸亭在安康縣東二十里鄉人蔣
惟亮所構俯歷兄江平臨大野宏豁明麗
甲於東都東海商船皆泊於亭下師傳鄭
克後為記見雜著補遺三樂堂在金鰲山

東麓鄉人任勳所構客堂也前臨池湖築
石為階仍構樓亭登臨則宛在水中種蓮
蒲湖當抄盛開萬朵紅萼輝映軒楹

土產

- 白礬出舍羅峴○沙鐵出府東八助浦
- 石硫黃出非月洞山○鮫○鱧魚○廣魚
- 銀口魚○大口魚○紅蛤○青魚○魴
- 魚○黃魚○洪魚○海衣○藿海中有菜
- 俗名為藿其類如昆布塔士麻通謂之藿
- 松蕈○海松子○蜂蜜○漆○白花蛇

○天門冬 ○何首烏 ○吳茱萸 ○山茱萸
○倭楮 ○鱸魚 ○文魚 ○松魚 以上出集
地勝 覽 ○新增皂莢 ○皂角刺 ○麻黃 ○人
參 ○麥門冬 ○水蒲薹 ○水晶

城郭

邑城 石築周四千七十五尺高十二尺內
有井八十 ○徽禮門 邑城南門也火於壬
辰兵亂崇禎壬申府尹全湜重修東西北
三門次第重建 ○金城 在府東四里赫居
世二十一年甲申築京城號曰金城土築

周二千四百七尺二十六年己丑營宮室
於金城 ○月城 在府東南五里婆婆王十
二年辛丑築形如半月故名或稱在城土
築周一千二十三步與地勝覽周三千二
十三尺秋王移居于此初脫解王少時登
吐含山望城中可居之地見揚山一峯如
日月勢乃下尋之即甄公宅也潛埋礪炭
于其側謂甄公曰此是吾祖家屋甄公爭
辨遂訟于官官曰何以驗汝家脫解曰我
本冶匠乍出隣鄉為人所奪請掘地以驗

果得礪炭遂與脫解居之此即月城之址
儒禮七年庚戌大水月城頽毀八年辛亥
補築紹智九年丁卯葺之十年戊辰移居
于此○李仁老詩孤城微響象半月荆棘
半掩黠颺吹鵠嶺青松氣護詩心雜林黃葉
秋蕭瑟自從大阿倒柄後中原鹿死何人
手江文空傳玉樹花春風幾拂金堤柳
滿月城在月城北土築周四千九百四十
五尺○明活城在月城東真興王十五年
甲戌築真平王十五年癸丑改築周三千

步輿地勝覽周七千八百十八尺慈悲王
十六年癸丑葺之十八年乙卯移居于此
○南山城在月城南真平王十三年辛亥
築周二千五百四步輿地勝覽周七千五
百四十四尺文武王十九年己卯增築
富山城在府西三十二里文武王三年癸
亥築石城周三千六百尺高七尺今半頽
圯內有四川一池九泉有軍倉今廢○關
門城在府東四十五里蔚山界石築周六
千七百九十九尺今稱萬里城以上出真

地勝覽而問其遺

關防

甘浦營在府東七十二里○水軍萬戶一人正德壬申石築城周七百三十六尺高三十三尺內有四井出輿地勝覽新增今移鎮于東萊

烽燧

兗山烽燧在府北四十五里東應迎日縣沙火即山西應永川郡所山下西知烽燧在府東七十里南應蔚山柳浦北應充

山○禿山烽燧在府東五十四里南應下西知北應長鬐縣一占○大站烽燧在府東五十七里南應蔚山加里山北應東岳○東岳烽燧在府東五十七里南應大站西應高位山○高位山烽燧在府南二十五里東應東岳南應蘇山西應乃布站乃布站烽燧在府西二十六里東應高位山西應朱砂山○朱砂山烽燧在府西四十二里東應乃布站西應永川郡方山一新增今移于道音谷村前山○蘇山烽燧在

府南七十五里南應彥陽縣夫老山北應
高位山 以上出與地勝覽

宮室

集慶殿在客館北

太宗朝奉安我

太祖康獻大王辟容

世宗朝改造殿宇壬辰兵亂移安于江陵

府基址階砌俱在○客館徐四佳居正東

軒記新羅氏都難林麗祖統三為一國除

為慶州俄陞大都督府成宗置東京留守

顯宗廢留守降為慶州防禦使未幾復置

之中更變故降知慶州事高宗復為留守

忠烈朝改稱難林府我

太宗恭定大王十五年復為慶州府

世宗莊憲大王朝安

太祖康獻大王辟容於集慶殿府於慶高

一道景鍾土地豐衍民物富庶人心淳朴

有古新羅氏之遺風往往有奇形勝地古

賢遺跡前代人物之風流亦足想見矣居

正少游嶺南歷名區抵于慶繁華佳麗實

東南諸郡之冠第恨館宇湫隘雖有倚風
一樓不足以登眺叙運籌是一州之大
欠也竊以謂慶為州自高麗氏已五百年
吏于州不知賢幾人能幾人何無一人修
舉廢墜至於如是哉壬午冬奉使至于慶
吾友金資憲淡為尹辛承議仲璘為通判
監司福川權公愷觴余倚風樓上予舉前
說而告之尹笑曰子先得我心矣已謀諸
通判將重新客館積材陶瓦以待歲月耳
監司聞而亦嘉之居正曰慶之重新其有

數乎得賢尹賢通判又得賢監司志同議
合事可指日為也未幾金尹以吏曹判書
召還癸未夏蓬原鄭公興孫繼尹辛通判
具白事由曰客館舊址增大其規模將經
營締構矣兩鄉之大族今領議政高靈府
院君申公叔舟大司成金公永濡又嘉其
事遣梓人徐休董其役先起大廳五間前
後有楹宏敞廣闊東西有軒各有上房後
室涼燠得宜施之丹雘文彩眩耀觀者避
之甲申冬辛通判以監察召還揚公石堅

繼之修繕翼以廊廡繚以垣墻事既告成
丙戌春正月鄭尹秩滿召還和城崔公喜
復繼尹二月揚通判見遠鄭通判蘭孫繼
之功之未記者兩侯措置亦必有餘裕矣
一日辛公語余曰慶之官廡將新而倚風
檣又久先儒稼亭李先生記亦隨以亡慶
之往牒無文可徵知事之終始莫如子辛
記之居正曰僕前日所欠於慶者得數君
子一大重新豈不可喜而可書也况春秋
興作必書重民事也予觀今為守令率皆

勞民動衆時局舉羸建一樓營一廨妨政
害民多矣今金尹辛通判創始於前一材
一石費不及民繼而鄭尹揚通判勿亟勿
勞使民以時如數君子者在春秋之例亦
可褒而可書也居正職參贊死不可以不
文辭誌書大槩而歸之若崔鄭兩侯之聲
繼而書者亦必有人矣新增延祐七年庚
申災天順八年甲申重創嘉靖壬子災百
餘間燒燼羅代所傳三百二十五介十五
兩重青銅大火燼並燒越四年乙卯重創

高層庚寅火舊基階砌尚在壬寅乾南一廳
房遺址營建正廳及東西軒即今所謂客
舍也○五峯李好問詩千古興王地山形
鳳舞來明朝日南至昨夜賊東回風月詩
仙去闔河玉笛哀平生感舊意長嘯強登
臺○東嶽李安訥詩嶺外雞林府蒼山海
上來一從城北過五見斗西回紫綬榮堪
記蒼顏老可哀戀君心更切何處望鄉臺
北嶽連雲起西川繞郭來城荒塔孤立野
廣鳥雙回馬并燕神異魚亭醉景氣無憑

問三姓九聖但空臺○李敏求詩故國衣
冠盡荒城歲月來春生逸野變日暮大江
回錦石含孤憤珠陵走七哀郊墟不可望
莫上最高臺○營廳府舊為觀察使本營
故有營廳今廢但有空址○賓賢樓在客
館東○鄭河東麟趾記上之二十三年樞
副金公益生子于慶慶是新羅千年舊都
繁華佳麗甲於南方公視事數月政之弛
者張訟之滯者理德化行名聲著越明年
陞階為資憲特恩也一日公謂通判曰是

州為昇之首每春秋監司元戎必於是焉
而試武藝張幕於城外以為場或風或雨
之日儀形不稱蓋圖所以改之耶詢于群
吏吏憚厥謀乃卜地于城中客館之東偏
厥地紆餘而勢甚宜闢其前矣可以及遠
塲其中馬足以騁力累土為臺高可數仞
起樓其上而五其楹望之翼如也俯歷千
家四面衆山如在席下旬月之頃矣馬為
一州之壯觀喜可知也公告滿而來永嘉
權公克和代尹迺丹楹而畢公之志焉公

更欲後之而求名於安平六君得大書賓
賢樓三字以稱之慶之率何如也公又使
予付其命名之義予惟治莫盛於成周六
司徒以鄉三物賓與賢能射御為考藝之
曰行葦之詩曰射矢既均序賓以賢燕飲
之際亦必以射禮為先夫射也者其道可
以觀德行其用可以威天下干城之將介
牙之士皆由此舉宜乎王者之是急故曰
兵可千日不用不可一日不修周公之戒
成王曰克詰戎兵以觀文王之耿光以揚

武王之六烈召公之告康王曰張皇六師
無壞我高祖寡命成康制禮作樂持盈守
成之主而周召之告或如此聖人之意可
見矣其在高麗中葉以後文恬武嬉樓臺
寫管絃歌舞之場花月乎遊賞玩詠之席
上下相忘於醉夢之中無有醒寤駸駸乎
衰微不振卒之海寇鴟張屠害生靈無所
畏忌雞犬為之一空社稷日以丘墟豈不
為今日之殷鑑歟自古國勢之強弱生民
之休戚皆係乎武備之得失我國家 列

聖相承中外昇平然且安不忘危理不忘
亂立武舉之科三年六比以求其俊傑設
備習之法春秋訓練以選其精銳此豈非
奮揚威武長治久安之道乎慶之尹積幾
入矣樓之建始於公公其知國家之大體
乎後之君子其勉旃焉新增正統壬戌造
成今廢即所謂軍器廳也摛以賓賢為扁
○倚風樓在客館西○蓀亭李穀詩序予
至東京客舍登東樓殊無佳致乃陟西樓
頗壯麗軒豁城郭山川一覽而盡三歲法

師旋公大書倚風樓三字而無題詠者惟
是府千年舊都古賢遺跡往往而有自入
本國為東京亦將五百載其繁華佳麗冠
於東南而仗節觀風剖符宣化者又多詩
人墨客意必有紅壁紗籠銀鈎玉筋輝煥
異間以今所見惟賓軒所題一絕句在耳
先儒金君綏首唱也或言曩館舍火詩板
隨以已然金詩句獨不火火後之作亦何
不見或者之言不足徵也有一鄉校生曰
金詩偶存可以想見百年前風流人物也

蓋於其時民醇政簡遇事輒裁遇興輒發
至於簿領陳於前絲竹列於後人不為非
而自不為嫌也百年之後促促然務自修
飭一頻一笑恐或不時安敢登臨嘯詠以
取腐儒之諷今先生無觀風宣化之勞以
尋真探勝為事縱觀楓岳雪山萬仞又踰
鐵關入東海以窮國島之奇秘遂邊海而
南摩洋萊石亭之古碣三日浦之舟書六
字舟泛永郎湖鏡浦以訪四仙之遺躅燭
照聖留室以極其幽怪而卒至於斯莫於

遊觀可謂厭飲矣然新羅古都壯觀遊覽
幸於此樓而無一語而去為先生蓋余應
之曰吾豈不云云乎哉但不能為詩人墨
客之流耳然於諸生之言深有所感而且
得以觀世變因成長句四韻以示登斯樓
者云詩曰東都文物尚繁華更起高樓拂
紫霞城郭千年羅代樹間闌一半梵王家
珠簾捲盡山如畫玉笛吹殘日未斜倚柱
吟詩還自笑重來不必要龍紗○徐四佳
託嶺以南素稱多名區勝地居正少有司

馬子長之志踰嶺而尚而善由花而星歷
金晉訪咸密抵于慶慶即古之雞林而新
羅氏之所部也山河秀異雲物奇絕多有
古賢遺跡足以償遠遊跌宕之氣第恨館
宇湫隘雖有倚風一樓四簷欲垂如坐說
中使人悶悶然壬午冬奉使再至府尹金
公浚邀予登樓從容觴詠予曰滕王閣天
下之名勝四海豪傑聞人才士登臨瞻望
者不知幾人乃得王中丞而重新韓退之
而亦記斯樓之修之記當屬之何人乎金

尹竟然越數載館宇重新幸通判紳彞借
予記略書顛末歸之俄聞倚風樓又火火
而亦新者并葺丁亥春李侯念義未尹故
修築法謀所以重新乃即樓之舊址增大
其規模經營締構巋然為一道之壯觀繼
而得田府尹祠生祠通判子濱又加責歸
功乃就緒索記於居正予惟物之興廢物
之理也而其所以一盛一衰者亦莫不關
於時運當新羅之初天降異人開淳厓建
邦國君臣相濟仁厚為政三姓相傳幾於

一千年卒能平麗合於富有東土此正唐
史所稱仁人君子詩書之國足以想人物
繁華之盛矣敬順王納土降麗如吳越錢
王自是以後或州或府或縣隨沿革不同
高麗之衰島夷侵軼樓觀灰燼雲物凋喪
讀稼亭李先生記可見當時之多故矣
聖朝天地涵育邊陲安帖百宰于茲矣慶
地廣民稠物阜財殷為東南府庫之最吏
又得人事無廢墜雖館宇樓榭亦皆一新
是寧知天之漸於前日者乃所以符今日

耶今斯樓也。愔帷祭戟之。巡臨騷人墨客
之遊賞。憑欄徒倚。俛仰古今。感古都之興
廢。覽時物之推遷。夷然豁然。陶寫性情。有
古登樓作者之氣像。此豈非太平之盛事
而物理興廢之機耶。嗚呼。平壤三朝鮮。高
句麗之古都。山河人物之勝。與慶相為甲
乙。牧隱先生嘗記風月樓而居正。記重新
稼亭先生記斯樓而居正。又記重新以居
正之。不材名繼稼父子之名於東西。一
京豈非幸耶。故不以文拙辭而樂為記。○

李達東詩當時自謂小山華。半月城空鎖
晚霞。里有苔碑金佛剎。境連蓬島玉仙家。
北川水落灘聲咽。西岳雲奔雨脚斜。一瞬
興亡多少事。憑軒朗詠岸為紗。新增延祐
七年庚申災。取後重修天順甲申災。成化
戊子改修嘉靖壬子災。取後未知其年重
修。某年還廢而即今舊址猶在。○南亭在
州南五里五陵北。府尹金淡所建。今廢。
東亭在府東南五里。今廢。○田祿生詩半
月城空江月白。孤雲仙去野雲閑。更尋王

祭登樓賦方寸詩情未易寬○利見臺在
府東七十里海岸○世傳倭國數侵新羅
文武王患之誓死為龍護邦國而禦寇盜
將薨遺命葬于東海濱水中神文王從之
葬後追慕築臺望之有大龍見于海中曰
名曰利見臺臺下十步海中有石四角聳
出如四明是其葬處至今稱為六王巖○
李文和詩羅代君王孝子臺如今登眺已
封苔霓旋羽蓋腸堪斷峻宇雕墻址自頽
雲漢分明看北斗煙濤鬢髯望東萊可憐

波上白鷓鴣潮去潮來依舊迴○金藏臺
在西川岸○涵碧亭在倚風樓南今廢以
上出輿地勝覽而間補其遺新增府衙在
客館西北府尹衙舍也○琴鶴軒在府衙
東○制勝亭在琴鶴軒南○佐貳軒在客
館北判官衙舍也○光風樓在琴鶴軒東
府尹朴守弘所創樓前築石為池池中築
小臺樹紫薇花一株○軍器廳在客館東
南即賓賢樓舊基南階下有蓮池○養武
堂在府衙北○武學堂在城西門外今之

營將虎騰軒也○鄉射堂在城東門外
醫局在府衙北○營繕○掾吏廳○教坊
藥坊俱在城中○鍾閣在徵禮門外鳳凰
臺下懸奉德寺鐘詳見古蹟

倉庫

府倉在府衙南○常平倉在府倉南○大
同廳在制勝亭南○官廳在府衙北○安
康倉在府北四十五里安康縣土城中
元山倉在府北四十五里元山江邊古無
倉舍田稅米穀上納則輸運于忠州可興

倉下運則輸運于梁山甘同倉民甚苦之
此倉之設所以便上下漕運也○東海倉
在府東七十里古無倉舍亦因漕運之便
而置之○神光倉在府北八十里神光縣
土城中○杞溪倉在府北七十里杞溪縣
○竹長倉在府北一百十里竹長縣○北
安谷倉在府西百里北安谷縣以上各倉
皆置監官一人而並以府驛產者例無推
功安谷元山東海倉別置
水庫在月城

學校

鄉校在府南四里雞林西岐川北新羅神
文王二年壬午始立國學高麗以後為鄉
學而基則仍舊我

成廟朝弘治壬子府尹崔應賢重修制度
做成均館壬辰之亂權奉位板于道德山
斗德菴而校舍灰燼久闕釋采萬曆庚子
府尹李時發時重建○聖殿三間典祀廳
三間還安位板甲辰府尹尹驥時重建東
西廡各十二間典祀廳各二間○
大成殿大成至聖文宣王東配充國復聖

公顏氏沂國述聖公孔氏西配邾國宗聖
公曾氏鄒國亞聖公孟氏以上五聖殿內
東從享費公閔損薛公冉雍黎公端木賜
衛公仲由魏公卜高西從享鄭公冉耕齊
公宰子孫公冉求吳公言偃顓孫公顓孫
師以上十哲東廡從享金鄉侯澹臺滅明
任城侯原憲汝陽侯南宮适萊蕪侯曾點
須昌侯高瞿平輿侯恭雕開睢陽侯司馬
耕平陰侯有若東阿侯巫馬施陽穀侯顏
辛上蔡侯曹卹枝江侯公孫龍馮翊侯秦

高雷澤侯顏高上邳侯壤駟赤成紀侯石
作蜀鉅平侯公夏首膠東侯后處濟陽侯
奚容蒧富平侯顏祖澄陽侯句并疆甄城
侯秦祖武成侯縣成即墨侯公祖句茲沂
源侯燕伋宛句侯顏之傑建城侯樂欽棠
邑侯顏何林慮侯狄黑鄆城侯孔忠徐城
侯公西蒧臨濮侯施之常莖亭侯秦非文
登侯申振濟陰侯顏噲泗水侯孔鯉以上
孔門弟子 蘭陵伯荀况睢陽伯穀梁赤棗
蕪伯高堂生樂壽伯毛萇彭城伯劉向中

牟伯鄭衆緱氏伯杜子春良鄉侯盧植榮
陽伯服虔司空王甫司徒杜預昌黎侯韓
愈豫國公程顥新安伯邵雍溫國公司馬
光達寧伯胡安國華陽伯張拭魏國公許
衡以上自周未至宋元儒賢弘儒侯薛聰
新羅國都人 文成公安珣初名裕高麗興
州人今豐基號晦軒先生 文敬公金宏弼
玄風人號寒暄堂先生 文正公趙光祖漢
陽人 寧靜菴先生 文純公李滉禮安人
退溪先生以上本國儒賢 西廡從享單父

侯宓不齊高密侯公冶長北海侯公指哀
曲阜侯顏無繇共城侯高柴壽張侯公伯
寮益都侯樊須鉅野侯公西赤千乘侯梁
鱣臨沂侯冉孺沐陽侯伯虔諸城侯冉季
濮陽侯恭雕哆高苑侯恭雕徒父鄒平侯
商澤當陽侯任不齊牟平侯公良孺新息
侯秦舟梁父侯公肩定聊城侯鄒單祈鄉
侯罕父黑淄川侯申黨厭次侯崇濟南華
侯左人郟胸山侯鄭國樂平侯原亢胙城
侯廡絜博平侯叔仲會高堂侯邾巽臨胸

侯公西如內黃侯邈伯玉長山侯林放南
頓侯陳亢陽平侯琴張博昌侯步叔棄以
上孔門弟子中都伯左丘明臨淄伯公羊
高采氏伯火勝考城伯戴聖汝都相董仲
舒曲阜伯孔安國岐陽伯賈逵扶風伯馬
融高密伯鄭玄任城伯何休偃師伯王弼
新野伯范寧道國公周敦頤洛國公程頤
鄆伯張載徽國公朱熹開封伯呂祖謙着
城伯真德秀崇安伯蔡沉臨川郡公吳澄
以上自周末至宋元儒賢文昌公崔致

嘉慶人 文忠公鄭公周高君也曰人 聖國
區先生 文獻公鄭汝昌咸陽人 聖一 聖先
生 文元公李彦迪 慶州人 聖 聖先 聖
上 本 國 儒 賢

萬曆甲辰府尹李安訥時重建明倫堂三
間東西齋各五間明倫堂東牆外有提督
廳四間廳東鑿池種蓮其中築石作小亭
樹紫薇花一株崇禎後一未築松壇于明
倫堂北師傳鄭克後作記 見補遺 聖殿
前面古無階級正路已西秋東西無雨漏

後修改訖工府使周冕與儒生相議仍取
鴈鴨池臨海殿舊基石砌安於殿階下且
築正路又建尊經閣於松壇東畔

西岳書院在府西仙桃山下一名西元山
太宗陵北嘉靖辛酉府尹龜巖李公預議
以新羅角千金庾信立祠亭之府儒請以
弘儒侯薛聰文昌公崔致遠並享龜巖真
於遺溪亭先生歲癸亥奉安三賢于一祠
遺溪先生命名曰西岳精舍講堂曰稽習
東齋曰進修西齋曰誠敬東下齋曰切磋

西下之南曰深雪前樓曰詠歸門曰道東樓
相間揭先生筆而俱燬于壬辰位板則移
藏于山谷中萬曆庚子府尹李時發時構
草舍于舊址還安位板壬寅府尹李時彥
時重新廟宇而猶未盡復庚戌府尹崔介
時重新講堂齋舍及典祀廳藏書室天啓
癸亥府尹呂祐吉時府儒進士崔東彥等
陳疏請額 賜額曰西岳書院扁額則元
振海筆也丙戌府尹李民寅時重建詠歸
樓廟制東向弘儒侯開國公文昌公以次

並享鄭克後西岳志備記三股亭蹟龜巖

李公損題西岳精舍詩柳綠花紅物色殷
傍隨肯學少年群千年大地俗非古一箇
透儒心似薰素食幾驚中澤鴈岸巾空望
出山雲仙拖洞裏新開宇探勝歸來滌垢
紛屢家數語相傳後萬古斯文白日明一
唯參乎心默契再賢面也道重亭光風東
洛從容意秋月西林感慨情會友疎磨今
有地丁寧無負此堂名○退溪先生次曰
羅壚麥秀幾悲殷創置仍遭物議群欲使

英才款式敷可無遊處善相薰千年白日
元無翳萬古青山一任雲跡重箇守真樂
事莫將餘外較紛紛箕教吾東曾善國至
今天步屬文明多材聖作非無本至道人
行誼自亨寥落塵編尋寶訣奮興豪傑出
常情儒宮好闢仙山境老我增思實越名
○八疾鄭宗榮次曰大東文教自箕啟羅
戎名賢濟濟群興止百變餘山海殆亂千
秋覩臭薰旋別終歸人正表指揮重見士
如雲蔽修可托西山下漸曾多外識紛

南中州郡如棊亦分陝無能負○聖明已
喜文翁治化振還憐中子道心亨東都重
見西山學誠敬兼多燥雪情共訪青衿酬
且問依然沂上詠歸名○退溪先生西岳
精舍詩東都賢祀謗何類變置真以學舍
新但使菁莪能長育涵游聖澤屬儒紳○
金鶴峯謁西岳示院生詩西元精舍舊開
名遠客初回萬里狂誰識龜翁開院意華
芬葉葉盡風聲

玉山書院在安遠縣西紫玉山東華蓋山

下文元公晦齋李先生書院也隆慶六年
壬申府尹李齊閔率鄉中士林以定其基
仍建廟宇癸酉自西岳鄉賢祠移安位版
廟則三間其制西向號體仁其左有與祀
廳二間廟前有講堂三間號求仁東齋曰
兩進西齋曰偕立東下齋曰斂求西下齋
曰闡修前樓曰無邊外門曰亦樂講堂東
有經閣三間○宣賜書冊及院備書冊累
石餘卷歲焉講堂北有碑閣一間碑乃神
道碑也觀察使朴素立以墓在避遠難於

守護移豎焉萬曆甲戌日觀察使金公繼
輝 啓請賜額曰玉山書院扁額則李公
山海筆也○祝文學問淵深道德高厚啓
佑後人享祀悠久○體仁廟銘生物之春
在我為仁體之以身何不長人○求仁堂
銘心德何損放而曰遠一念知反即此是
本○兩進齋銘擇善惟明反身惟誠孰重
孰輕聖賢同行○偕立齋銘敬直義方內
外交相惟操不惑天德之光○無邊樓銘
靡文靡餘罔終罔初光歟霽歟遊于太虛

○東岳李安訥無邊樓詩萬古山傳紫玉
名海東夫子晦先生無邊樓下梧桐月想
得當年意味清○亦樂門銘開風即回望
道而來不亦樂我邦之英材銘皆盧蘇齊
守慎所題也許草堂擘作書院記曰陝川
郡守權公德麟晦齋李先生之學徒也隆
慶六年季秋以書來曰為先生起書院其
記始末且名齋舍我擘受而藏之疾病遠
延未即起草萬曆癸酉冬先生之孫浚來
傳權君已下世為之驚悼少年忘學之士

遽至於是噫是何司命也感念亡友之囑
謹寫拙詞以付李君之選竊惟先生之德
容幸及瞻睹於游泮之日先生之德行又
得備聞於遐溪所撰行狀景慕而仰歎者
又矣嘗見大明一統志程朱所過一憑馬
一嘯咏之地無不起書院好賢之無己有
如是者况先生之所棲逢做業者乎府尹
李侯齊閔採鄉十三之願躬卜定其基告
于監司請建書院出其庫餘以三其費鄉
老儒士亦盡其力壬申二月始事八月訖

功則祠宇與講堂暨東西兩齋及予前樓
揔四十餘間吁盛矣哉慶州安原縣之良
佐洞即先生之居也洞之西十五里有紫
玉山先生建別墅以為遊息歲修之所有
濯纓澄心觀魚洗心等臺皆先生所題目
而常逍遙自樂者也今之書院正當洗心
臺之上上下下龍湫澄泓可愛予雖未得躡
斯境而據權公之示已竦然興起矣予雖
未及搢衣於先生之門而聞先生之語得
見心經附註竊自尊之以為吾之師矣遂

名其東齋曰敏求取孔子所訓好古敏以
求之之義也其西齋曰闇修取朱子自贊
中間然而日修之義也樓曰納清清者氣
也氣者陽也登斯樓者納清而養陽養陽
以凝道斯其具也萬曆癸酉 賜額玉山
書院依然朱子講義之地名號之美斯文
之光可謂至矣嗟夫予衰且病無由一八
院中瞻拜祠宇得與鄉士子講明先生之
正學以致提撕警覺之事徒為東望張張
而已惟願士子之居是院者感府尹營建

之意思先生棲息之所不但慕其道德之
高厚而且學其深潛鎮密之功不但學其
深潛鎮密之功而且矚其篤實堅確之志
則先生之鄉永為鄒魯之多士而我國
家取材而經世者益悠遠而無窮矣豈不
于先生有光哉嗚呼可不勉哉納清廬蘇
齊改以無邊小學堂在府東二里不知何
時肇建而成化乙未府尹梁順石重修擇
有學術者為師聚童蒙訓誨今廢○司馬
所在鄉校南紋川上不知何時肇建而火

于壬辰遺礎階砌尚在○梅月堂祠宇在
金鰲山南邊洞口即葺長寺舊基而金公
時習遊息之地也公之事蹟具載於栗谷
李先生奉教所撰傳中公之平日足跡
殆遍於國內名山而獨居金鰲有若將終
焉之志觀於四遊錄可知也其曰自居金
鰲不愛遠遊但優遊海濱放曠郊廬採梅
問竹常以吟醉自娛者是公自志之言也
世傳以梅月名堂者亦取金鰲梅月之意
題金鰲新話詩所謂矮屋青氈暖有餘滿

憲梅影月明初者是也尊長寺未知自何
時荒廢而階砌尚存庚戌春府使周冕稟
議于觀察使閔公著重謀諸境內人士草
創祠宇於此將欲摹安公手寫真象募僧
守護未及訖工而適潤色之責自有後來
之君子姑闕顛末云

驛院

仇拉驛在府東四十八里○朝驛在府東
二十五里○沙里驛在府北六里新增天
啓甲子後居關地原今年遷移舊基○奴

谷驛在府南二十六里○阿火驛在府西
四十五里○金克已詩何處堪惆悵晨興
遠邁時登途雖促促去國尚遲遲嶺抄新
曦湧林間宿霧披舉盃無與語庭樹綠猗
猗○義谷驛在府西五十七里○鏡驛在
安康縣距府四十里○仍甫驛在府南五
十五里○金克已詩悠悠山下路信響詠
涼天水有含芒蟹林無翳葉蟬溪聲清似
雨野氣淡如烟入夜投孤店村夫尚未眠
○仁鹿驛在杞縣西六里距府七十六

里○六驛在神光縣隸府七十五里○牟
梁驛在府西二十三里○金克己詩鄉心
萬里久搖旌忽向家山振策行遙嶺漸沉
他界色亂流初放故園聲會收斷梗隨風
迹持慰浮雲戀岫情世上榮枯堪一笑何
須擾擾苦馳名○鄭以吾詩驛路蟬吟老
樹秋東都遊客獨登樓五侯池館蓬蒿遍
玉笛閑吹往事悠○趙後詩雞林山水欲
清秋萬古興亡客倚樓尚使後人迷不鑑
天東此日獨悠悠○甫伊院在府東二里

○東院在府東七里○龍頭院在府東十
三里○長嶺院在府東二十五里○惠利
院在府東南三十二里○河崙序雞林新
羅氏之古都入前朝為巨府人物之繁駁
吏具可見也及其叔世倭寇為患者數十
年可悲之甚矣予於庚午春將適蔚州道
過城南寄宿天王寺堂頭然上人接以良
話明日出門則寺以東杳無人煙行九十
餘里以至于蔚州則孤城去海不滿十里
賴有戰艦分泊浦口以備不虞耳其戊午

率兩月一更代魚鹽之貿易者亦時至其
於九十里往還之間祁寒暑雨或值日暮
無所於止息草竊之可慮虎豹之可畏不
能不呻吟耿耿以待曙光於林莽之間矣
予將還又宿天王寺語及羈旅之苦行後
之難上人曰予雖出家為養老親不能遠
離鄉井予之所言予所悉知也親已歿願
以追福之餘就於半途構一小院力不能
足耳予聞而義之明日上人送至大悲院
丁丑春予尹府而至則上人尚無恙公退

之暇相與之話舊上人乃曰予於向之半
途卜得古之人所謂德方洞者前後皆山
草木叢茂澗水中流可以為煨房可以為
涼軒旁有閑地又可以種蔬果誠宜置院
以便行旅而南靜州得溫李節制從周共
助其費幾乎有成矣予聞而喜之欲於暇
日相與一往觀之而未遂也今予奉使命
又過府境上人出而見之喜滿于色曰吾
之院既成而子方有中國之行不敢請賜
封權公已記之矣予猶不得院名請子幸

名之以光吾院予曰吾東方道途之有院
字即周禮廬宿之遺意而為政者之所營
務也今上人孝其親以誠又推其餘以及
於行路之人是其惠利物之念發乎天
性之所固有而不容已者若此其視深山
窮谷之中坐於空寂如槁木寒灰無所事
於世者相去豈不遠乎是宜有以名其院
而使夫來者有所觀感也於是名之曰惠
利仍次其前後之相語者以為序云○毛
火村院在府東四十三里○要光院在府

東三十七里○利見院在利見臺傍○典
洞村院在府東五十七里○南院在府南
五里○太槽院在府南六里有新羅金空
太槽院三大字○天龍院在府南二十五
里○仇沙院在府南三十四里○回隱村
院或云鐵邑在府南三十八里○仇良火
村院在府南五十里○大悲院在府南十
五里院一名豆○金藏院在府西二十五
里新增一名金尺院詳見異○彌勒院在
府西三十里○高院在府西四十里○永

慶院在府西六十里○果雙院在府西三十
十五里○甘助村院在府西四十里○福
井院在府西七里○新院在府西五十六
里○天恩院在府東十四里○館院在府
北七里○花山村院在府北十五里○廣
濟院在府北十六里○所也院在安康縣
東十五里○閑甫院在安康縣南二里
礪院在安康縣西二十里○仁多院在祀
溪縣西十三里○多北院在安康縣北十
一里○竹洞院在神光縣南五里○待侯

院在竹長縣南二十里以上出輿地勝覽

橋梁

大橋在岐川上今廢○孝不孝橋在府東
六里世傳新羅時有七子之母所私在水
南伺其子寢往奔之其子相謂曰毋涉水
夜行於子心安乎乃作石橋毋慙而改行
時人名其橋曰孝不孝○掘淵川橋在府
北二十里一名廣濟院橋新增今年大雨
川水變遷失其故道移就府北十五里為
橋○神元橋在府西十里以上出輿地勝

覽新增南亭橋在府南五里

祠廟

社稷壇在府西新增中後于府東東川今年又移于府城西二里許○文廟在鄉校○城隍祠在府東七里○赫居世廟在府南月南里我

世宗十一年立廟每歲春秋仲月降香祝幣以祭○昔脫解祠在東嶽頂脫解王夢於武烈王而言曰拔我骨於疏川立塑像安於吐舍山王從其言髑髏周圍三尺二

寸骨長九尺七寸齒齧如一骨節皆連鎖遂立祠於東嶽今廢○聖母祠在西岳仙施山聖母本中國帝室之女名娑蘇早得神仙之術來止海東久而不還遂為神世傳赫居世乃聖母之所誕也故中國人讚有仙施聖母娠賢肇邦之語今廢○敬順王影堂在府東北四里每節日州有吏率三班以祭新增天啓丙寅觀察使金時讓以姓孫巡到本府行祭影堂會經之姓孫議定有司以修祀事歲以為常○神母祠

在鷄冠嶺上神母即朴堤上妻也堤上一死
我倭國其妻不勝其慕登嶺望日本慟哭
而死遂為其嶺神母其村人祀之後為祈
雨之所○厲壇在府北以上出真池馬覽
新增靈壇在府西門外

陵墓

赫居世陵在曇巖寺傍官禁田崇世傳三
升天七日後五體散落于地國人欲合而
葬因蛇妖各葬之遂號五陵亦云蛇陵
味鄒王陵在府南皇南里儒禮王時伊西

國今清道人來攻金城我兵禦之不能抗
忽有異兵來助皆珥竹葉并力擊賊破之
軍退後不知所歸但見竹葉積於味鄒陵
前乃知先王陰薦有功曰號竹現陵一云
竹長陵○法興王陵在哀公寺北峯○太
宗武烈王陵在永敬寺北今西岳里○梅
溪曹偉詩道傍墟落間青青麥已秀斗起
數仞峯穹窿如伏獸斷碣卧荒草昂然見
龜首蒼蒼原陸長迤邐川原走云是武烈
陵曰山削非晒下馬髮蕭森拱立紋雙袖

摩挲讀碑文，缺落難實究。茫茫歲月荒，委棄無人守。憶昔陰為陽，二曼非真后。強隣肆侵軼，四境多兵鬪。惟王入繼統，卓焉功德受。不才委庾信，武略殆天授。并濟開霸圖，刻掃百年寇。皇唐嘉乃勲，厥篚堆錦繡。疇庸錫鴻命，關土縣廣袤。後又共登庸，倉廩日殷富。井水忽為血，大運嗟莫救。紉履就寔窳，英爽歸昂宿。舊史粗可徵，紀載恨踈漏。人事如浮雲，誰能了宇宙。佳城萬古閉，日暮嘯魁颺。○真興王陵在府西西岳

里○善德王陵在狼山南巔○孝昭王陵在府東芬南里○聖德王陵在府東都只谷里○憲德王陵在府東泉林里○興德王陵在安東縣北新增俗號障陵○金庾信墓在府西西岳里○金仁問墓在府西西原○金陽墓陪葬太宗王陵以上出輿地勝覽新增掛陵在府東三十五里不知何王陵俗傳葬於水中掛柩於石上目築土為陵故名焉石物尚在○南解王陵○儒理王陵○婆婆王陵俱在蛇陵園內○

晚解王陵在城北壤井丘○奈勿王陵在
瞻星臺西南○真智王陵在永敬寺北○
真平王陵在漢只○真德王陵在沙梁部
○神文王陵在望德寺東○景德王陵在
毛祗寺西岑○僖康王陵在蘇山○神武
王陵在兄弟山北今東方洞文聖王陵○
憲安王陵俱在孔雀趾○憲康王陵○定
康王陵俱在菩提寺東南○真聖王陵在
黃山今梁山郡黃山驛孝恭王陵在獅子
寺北○神德王陵在竹城○景明王陵在

黃福寺北麓○景哀王陵在南山解目嶺
以上出三國史餘皆水葬又葬

祈雨所

始祖廟○金肅王墓○拓栗寺○北兄山
○温之淵○龜尾山○望山○鷄述嶺



